

CV estenso

Manuel Dios Diz (Santiago, 1953).

Mestre desde 1976 e Licenciado en Xeografía e Historia. Exerceu a docencia en varios centros de primaria e secundaria. É autor de numerosas Unidades Didácticas dirixidas ao profesorado, e de varios libros e colaboracións xornalísticas. Membro do Consello Escolar do Estado durante dúas lexislaturas, e do Consello Escolar de Galicia. Redactor do Plan Integral da mellora da Convivencia Escolar de Galicia, e do deseño do Observatorio Galego da Convivencia Escolar de Galicia; membro tamén do Observatorio Estatal da Convivencia Escolar desde o ano 2000.

Fundador, en 1985, e presidente do Seminario Galego de Educación pola Paz desde 2000 ata 2015. Membro do Hague Appeal for Peace, da Asociación internacional de Educación para a Paz (Teachers for Peace), da Asociación AIPAZ, e da Fundación Cultura de Paz, entre outras. Foi vicepresidente da Conferencia Mundial para a Paz, a Solidariedade e o Desenvolvemento, auspiciada por ONU e UNESCO. Presidiu o Congreso mundial de Educación e Cultura de Paz celebrado en Compostela en 2005 e participou no Foro 2010. Premio á promoción de condutas tolerantes da Consellería de Educación e Ordenación Universitaria. Premio "Hagamos las paces" concedido polo Instituto Internacional per la Pau da Generalitat de Catalunya.

Entre os anos 70 e 90 participou destacadamente na constitución e desenvolvemento do sindicalismo nacionalista galego, especialmente no sector educativo (CXTG, Intersindical Galega, CIG), e a nivel internacional na Federación Internacional de Sindicatos do Ensino (FISE) e na Internacional da Educación (IE). Membro do Consello internacional do Foro Mundial de Educación (FME), dentro do Foro Social Mundial (FSM)

Tamén dirixiu documentais sobre educación e Paz, sendo finalista ao mellor documental galego nos Premios Mestre Mateo en 2005.

Despois das eleccións locais de 2015, foi nomeado concelleiro de Educación e Cidadanía no Concello de Santiago de Compostela, ademais de deputado provincial.